

**- UPRAVNI ODBOR-**

Sarajevo, 30. 12. 2020. g.

Broj: 02-57-2/20

Na osnovu člana 129. stav (2) tačka i), a u vezi sa članom 101. stav (5) Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20) i članom 55. tačka j) Statuta Univerziteta u Sarajevu, u skladu sa članom 36. stav (1) Poslovnika o radu Upravnog odbora Univerziteta u Sarajevu, a u vezi sa Zahtjevom prorektora za naučnoistraživački rad Univerziteta u Sarajevu za davanje saglasnosti za potpisivanje Ugovora o licenci za Web of Science broj: 0101-13148/20 od 29. 12. 2020. godine, Upravni odbor Univerziteta u Sarajevu je na 35. elektronskoj sjednici, održanoj dana 30. 12. 2020. godine, donio *s l e d e ē u*

O D L U K U**I**

Daje se saglasnost rektoru Univerziteta u Sarajevu prof. dr. Rifatu Škrijelju za potpisivanje Ugovora o licenci za pretplatu na naučnu bazu Web of Science sa dobavljačem *Clarivate Analytics* za period 2021 – 2023. godine za potrebe Univerziteta u Sarajevu kao integrirane visokoškolske ustanove, a u skladu sa odobrenim Planom javnih nabavki Univerziteta u Sarajevu (Rektorat i centri) za 2020. godinu.

II

Sredstva za realiziranje Ugovora iz tačke I ove odluke bit će osigurana preraspodjelom Budžeta Kantona Sarajevo za 2020. godinu u dijelu Univerzitet u Sarajevu i organizacione jedinice Univerziteta u Sarajevu.

III

Ova odluka stupa na snagu danom donošenja, a primjenjuje se donošenjem odluke Vlade Kantona Sarajevo o preraspodjeli sredstava u Budžetu Kantona Sarajevo za 2020. godinu između budžetskih korisnika.

O b r a z l o ž e n j e

Upravnom odboru Univerziteta u Sarajevu je posredstvom resornog prorektora za naučnoistraživački rad i Službe za naučnoistraživački rad Univerziteta u Sarajevu dostavljen zahtjev kojim se traži saglasnost za potpisivanje Ugovora o licenci za pretplatu na naučnu bazu Web of Science sa dobavljačem *Clarivate Analytics* za period 2021 – 2023. godine (trogodišnja preplata) za potrebe Univerziteta u Sarajevu kao integrirane visokoškolske ustanove, a u skladu sa odobrenim Planom javnih nabavki Univerziteta u Sarajevu (Rektorat i centri) za 2020. godinu.

Univerzitet u Sarajevu u cilju osiguranja adekvatne infrastrukture za istraživački rad i napredak akademskog i istraživačkog osoblja Univerziteta i provedbi obaveze propisne članom 101. stav (6) Zakona o visokom obrazovanju kontinuirano obezbjeđuje pretplatu naučnu bazu *Web of Science*

(Clarivate Analytics). Imajući u vidu da postojeći ugovor o korištenju naučne baze Web of Science ističe 31. decembra 2020. godine, Univerzitet u Sarajevu sa dobavljačem Clarivate Analyticsa osigurao prijedlog ugovora po planiranim cijenama, povoljnijim od cijena za univerzitete u regionu.

U pogledu načina finansiranja, sredstva za ovu namjenu bit će osigurana kroz preraspodjelu Budžeta Kantona Sarajevo za 2020. godinu, u dijelu Univerzitet u Sarajevu i organizacione jedinice Univerziteta u Sarajevu.

Predmetni zahtjev se odnosi na davanje saglasnosti u cilju korištenja i realizacije namjenskih finansijskih sredstava preko iznosa kojim može raspolagati rukovodilac visokoškolske ustanove, a koji je utvrđen Statutom Univerziteta u Sarajevu i vezuje se za iznos do 100.000,00 KM po pojedinačnom nalogu.

Cijeneći navedeno, Upravni odbor je u skladu sa članom 129. stav (2) tačka i) Zakona o visokom obrazovanju („Službene novine Kantona Sarajevo“ broj: 33/17, 35/20 i 40/20) i članom 55. tačka j) Statuta Univerziteta u Sarajevu, odlučio kao u dispozitivu.



Dostaviti:

- Rektoru
- Predsjedniku i članovima Upravnog odbora
- Generalnom sekretaru
- Služba za naučnoistraživački rad UNSA
- Služba za plan i analizu UNSA
- Službi za računovodstvo i finansije UNSA
- Služba za javne nabavke UNSA
- U dokumentaciju Upravnog odbora
- Arhivi

**- UPRAVNI ODBOR-**

Sarajevo, 30. 12. 2020. g.

Broj: 02-57-3/20

Na osnovu člana 129, a u vezi sa članom 155. Zakona o visokom obrazovanju („Sl. novine Kantona Sarajevo“, broj 33/17, 35/20 i 40/20) i članom 35. Zakona o budžetu FBiH („Sl. novine FBiH“, broj 102/13, 9/14, 13/14, 8/15, 91/15, 102/15, 104/16, 15/18, 11/19 i 99/19), kao i člana 55. Statuta Univerziteta u Sarajevu, a u skladu sa Odlukom Skupštine Kantona Sarajevo o privremenom finansiranju potreba Kantona Sarajevo za period od 01.01. do 31. 03. 2021. godine od 29. 12. 2020. godine, Upravni odbor Univerziteta u Sarajevu je na 35. elektronskoj sjednici, održanoj dana 30. 12. 2020. godine, donio *s ljeđeću*

O D L U K U
o privremenom finansiranju potreba Univerziteta u Sarajevu
za period od 01. 01. do 31. 03. 2021. godine

I

Za period od 01. 01. do 31. 03. 2021. godine odobrava se privremeno finansiranje potreba Rektorata i organizacionih jedinica Univerziteta u Sarajevu, kao i provođenje postupaka javnih nabavki roba i usluga u granicama ovlaštenja rektora/dekana/direktora Univerziteta u Sarajevu, a u skladu sa privremenim Planom javnih nabavki integrisanog Univerziteta u Sarajevu.

II

Privremeno finansiranje iz tačke I. ove odluke vrši se srazmjerno sredstvima utrošenim u istom periodu 2020. godine, a najviše do visine tromjesečnog prosjeka za prethodnu fiskalnu godinu.

III

U Finansijski plan za 2021. godinu uključuju se ostvareni prihodi, te izvršeni rashodi ostvareni u periodu privremenog finansiranja.

IV

Ova odluka stupa na snagu danom donošenja, a primjenjuje se do usvajanja Finansijskog plana Univerziteta u Sarajevu za 2021. godinu i Plana nabavki Univerziteta u Sarajevu za 2021. godinu.

O b r a z l o ž e n j e

Osnom na zakonom propisanu nadležnost Upravnog odbora Univerziteta u Sarajevu u dijelu odgovornosti za poslovanje visokoškolske ustanove i usvajanje finansijskog plana, Upravnom odboru Univerziteta u Sarajevu je dostavljen prijedlog odluke o privremenom finansiranju potreba Univerziteta u Sarajevu za period od 01. 01. do 31. 03. 2021. godine.

S tim u vezi, konstatira se da je članom 35. i 38. Zakona o budžetu FBiH („Sl. novine FBiH“, broj 102/13, 9/14, 13/14, 8/15, 91/15, 102/15, 104/16, 15/18, 11/19 i 99/19) propisano da ukoliko Skupština ne doneće budžet prije početka fiskalne godine privremeno se, na osnovu odluke o privremenom finansiranju, nastavlja finansiranje poslova, funkcija i programa korisnika budžeta. Privremeno finansiranje obavlja se najduže za prva tri mjeseca fiskalne godine, srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu

godinu. S tim u vezi, Skupština Kantona Sarajevo je na prijedlog Vlade Kantona Sarajevo, dana 29. 12. 2020. godine donijela odluku o privremenom finansiranju potreba Kantona Sarajevo za period od 01.01. do 31. 03. 2021. godine.

Imajući u vidu da su Univerzitet u Sarajevu i organizacione jedinice budžetski korisnici Kantona Sarajevo i da je u toku izrada Finansijskog plana Univerziteta u Sarajevu za 2021. godinu i Plana nabavki Univerziteta u Sarajevu za 2021. godinu, a u cilju nesmetanog poslovanja Univerziteta u Sarajevu, odnosno realizacije privremenog finansiranja potreba Rektorata i organizacionih jedinica Univerziteta u Sarajevu, donosi se odluka privremenom finansiranju potreba Univerziteta u Sarajevu za period od 01. 01. do 31. 03. 2021. godine.

S obzirom na naznačeno, odlučeno je kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Ministarstvu za obrazovanje, nauku i mlade Kantona Sarajevo
- Ministarstvu finansija Kantona Sarajevo
- Rektor UNSA
- Predsjedniku i članovima UO
- Organizacionim jedinicama UNSA
- Službi za plan i analizu UNSA
- Službi za računovodstvo i finansije UNSA
- U dokumentaciju
- a/a



-UPRAVNI ODBOR-

Broj: 02-57-4/20

Sarajevo, 30. 12. 2020. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj 33/17, 35/20 i 40/20), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, kao u skladu sa Mišljenjem Agencije za javne nabavke/nabave filijala Mostar broj: 04-02-I-3274-1/15 od 22. 09. 2015. godine, na prijedlog dekana Stomatološkog fakulteta sa klinikama Univerziteta u Sarajevu broj: 02-57-1-3/20 od 29. 12. 2020. godine, Upravni odbor Univerziteta u Sarajevu na 35. elektronskoj sjednici održanoj dana 30. 12. 2020. godine, donio je *slijeđeću*

O D L U K U

I

Odobrava se povećanje iznosa sredstava za nabavku usluga servisa kotlovnice za potrebe Stomatološkog fakulteta sa klinikama Univerziteta u Sarajevu na 3.204,00 KM (slovima: tri hiljad devetsto petnaest i 00/100 KM) bez PDV-a.

II

Odobrava se nastavak postupka javne nabavke usluga servisa kotlovnice za potrebe Stomatološkog fakulteta sa klinikama Univerziteta u Sarajevu, pokrenute na osnovu Odluke Upravnog odbora Univerziteta u Sarajevu broj: 02-19-3/20 od 14. 04. 2020. godine o usvajanju Plana javnih nabavki integrisanog Univerziteta u Sarajevu za 2020. godinu u dijelu Stomatološki fakultet sa klinikama Univerziteta Sarajevu i Odluke o pokretanju postupka broj: 02-2-1-48-58-1/20 od 21. 10. 2020. godine.

III

Daje se ovlaštenje dekanu Stomatološkog fakulteta sa klinikama Univerziteta u Sarajevu da po uspješnom okončanju postupka javne nabavke zaključi Ugovor o javnoj nabavci predmetnih usluga, te potpisuje finansijsku dokumentaciju u cilju realizacije Ugovora i poštivanja ugovorenih obaveza.

IV

Ova odluka stupa na snagu danom donošenja.

Obrazloženje

Dana 14. 04. 2020. godine Upravni odbor Univerziteta u Sarajevu donio je Odluku broj: 02-19-3/20 o usvajanju Plana javnih nabavki integrisanog Univerziteta u Sarajevu za 2020. godinu u dijelu Stomatološki fakultet sa klinikama Univerziteta Sarajevu u okviru koje je planirana predmetna nabavka.



Dana 21. 10. 2020. godine dekan Stomatološkog fakulteta sa klinikama je donio Odluku o pokretanju postupka javne nabavke usluga servisa kotlovnice, broj: 02-2-1-48-58-1/20.

Za predmetni postupak procijenjena je vrijednost javne nabavke u iznosu od 3.000,00 KM (slovima: tri hiljade i 00/100 KM).

Nadalje, dana 18. 12. 2020. godine po predmetnom postupku pristupilo se otvaranju i ocjeni zaprimljenih ponuda, gdje je Komisija za javnu nabavku usluga servisa kotlovnice konstatovala da je zaprimljena jedna blagovremena ponuda, a koja ispunjava sve uslove iz tenderske dokumentacije, osim u dijelu procijenjene vrijednosti jer je ponuđač ponudio iznos za 6,8 % (204,00 KM) veći od procijenjene vrijednosti.

Uvažavajući činjenicu bitnosti nabavke usluga servisa kotlovnice, a koja je od krucijalnog značaja za rad Stomatološkog fakulteta sa klinikama, te da Fakultet ima obezbijedena sredstva za nabavku iste, donesena je Odluka kao u dispozitivu.

S obzirom na naznačeno, odlučeno je kao u dispozitivu.



Dostaviti:

- Dekanu Stomatološkog fakulteta sa klinikama Univerziteta u Sarajevu
- Rektoru
- Predsjedniku i članovima Upravnog odbora
- Izvršnom direktoru
- Generalnom sekretaru
- Službi za računovodstvo i finansije UNSA
- Službi za javne nabavke UNSA
- Služba za plan i analizu UNSA
- U dokumentaciju Upravnog odbora
- Arhivi

**-UPRAVNI ODBOR-**

Broj: 02-57-5/20

Sarajevo, 30. 12. 2020. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj 33/17, 35/20 i 40/20), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, kao u skladu sa Mišljenjem Agencije za javne nabavke/nabave filijala Mostar broj: 04-02-I-3274-1/15 od 22. 09. 2015. godine, na prijedlog dekana Stomatološkog fakulteta sa klinikama Univerziteta u Sarajevu broj: 02-57-3-1/20 od 30. 12. 2020. godine, Upravni odbor Univerziteta u Sarajevu na 35. elektronskoj sjednici održanoj dana 30. 12. 2020. godine, donio je *slijedeće*

O D L U K U**I**

Odobrava se povećanje iznosa sredstava za nabavku sanitetskog materijala – lot 3 za potrebe Stomatološkog fakulteta sa klinikama Univerziteta u Sarajevu 16.407,82 KM (slovima: šesnaest hiljadačetiristotinesedam i 82/100 KM) bez PDV-a.

II

Odobrava se nastavak postupka javne nabavke sanitetskog materijala – lot 3 za potrebe Stomatološkog fakulteta sa klinikama Univerziteta u Sarajevu, pokrenute na osnovu Odluke Upravnog odbora Univerziteta u Sarajevu broj: 02-19-3/20 od 14. 04. 2020. godine o usvajanju Plana javnih nabavki integrisanog Univerziteta u Sarajevu za 2020. godinu u dijelu Stomatološki fakultet sa klinikama Univerziteta Sarajevu i Odluke o pokretanju postupka broj: 02-2-1-48-64-1/20 od 01. 12. 2020. godine.

III

Daje se ovlaštenje dekanu Stomatološkog fakulteta sa klinikama Univerziteta u Sarajevu da po uspješnom okončanju postupka javne nabavke zaključi Ugovor o javnoj nabavci predmetnih usluga, te potpisuje finansijsku dokumentaciju u cilju realizacije Ugovora i poštivanja ugovorenih obaveza.

IV

Ova odluka stupa na snagu danom donošenja.

Obratloženje

Dana 14. 04. 2020. godine Upravni odbor Univerziteta u Sarajevu donio je Odluku broj: 02-19-3/20 o usvajanju Plana javnih nabavki integrisanog Univerziteta u Sarajevu za 2020. godinu u dijelu Stomatološki fakultet sa klinikama Univerziteta Sarajevu u okviru koje je planirana predmetna nabavka.



Dana 01. 12. 2020. godine dekan Stomatološkog fakulteta sa klinikama je donio Odluku o pokretanju postupka javne nabavke usluga servisa kotlovnice, broj: 02-2-1-48-64-1/20.

Za predmetni postupak procijenjena je vrijednost javne nabavke u iznosu od 15.846,86 KM (slovima: petnaest hiljada osamstotina četrdeset šest i 86/100 KM).

Nadalje, dana 21. 12. 2020. godine po predmetnom postupku pristupilo se otvaranju i ocjeni zaprimljenih ponuda, gdje je Komisija za javnu nabavku sanitetskog materijala konstatovala da je zaprimljena jedna blagovremena ponuda, a koja ispunjava sve uslove iz tenderske dokumentacije, osim u dijelu procijenjene vrijednosti jer je ponuđač ponudio iznos za 3,53 % (560,96 KM) veći od procijenjene vrijednosti.

Uvažavajući činjenicu bitnosti nabavke sanitetskog materijala, a koja je od krucijalnog značaja za rad Stomatološkog fakulteta sa klinikama, te da Fakultet ima obezbijedena sredstva za nabavku iste, donesena je Odluka kao u dispozitivu.

S obzirom na naznačeno, odlučeno je kao u dispozitivu.



Dostaviti:

- Dekanu Stomatološkog fakulteta sa klinikama Univerziteta u Sarajevu
- Rektoru
- Predsjedniku i članovima Upravnog odbora
- Izvršnom direktoru
- Generalnom sekretaru
- Službi za računovodstvo i finansije UNSA
- Službi za javne nabavke UNSA
- Služba za plan i analizu UNSA
- U dokumentaciju Upravnog odbora
- Arhivi

**- UPRAVNI ODBOR-**

Sarajevo, 30. 12. 2020. g.

Broj: 02-57-6/20

Na osnovu člana 129. stav (2) tačka i) Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20) i člana 55. tačka j) Statuta Univerziteta u Sarajevu, u skladu sa članom 36. stav (1) Poslovnika o radu Upravnog odbora Univerziteta u Sarajevu, a u vezi sa Zahtjevom Elektrotehničkog fakulteta Univerziteta u Sarajevu broj: 02-6813/20 od 18. 12. 2020. godine (zaveden pod brojem: 0105-12830/20 od 21. 12. 2020. godine), Upravni odbor Univerziteta u Sarajevu je na 35. elektronskoj sjednici, održanoj dana 30. 12. 2020. godine, donio *s ljeđeću*

O D L U K U**I**

Daje se saglasnost rektoru Univerziteta u Sarajevu prof. dr. Rifatu Škrijelju za pristupanje Ugovoru u okviru realizacije NATO SPS projekta pod nazivom *Quantum Cybersecurity in 5G Networks (QUANTUM5) - Kvantna cyber-sigurnost 5G mreža* između Tehničkog univerziteta u Ostravi, Češke Republike i Univerziteta u Sarajevu, BiH, referentni broj Projekta: G5894.

II

Sredstva planirana budžetom projekta bit će unesena u Finansijski plan Univerziteta u Sarajevu za 2021. godinu, u dijelu organizaciona jedinica Elektrotehnički fakultet Univerziteta u Sarajevu.

III

Ovlašćuje se rektor Univerziteta u Sarajevu za implementaciju Ugovora, navedenog u tački I ove odluke, putem Elektrotehničkog fakulteta Univerziteta u Sarajevu, uz obavezu kvartalnog izvještavanja Upravnog odbora Univerziteta u Sarajevu o implementaciji Ugovora.

IV

Za realizaciju ove odluke zadužuje se Elektrotehnički fakulteta Univerziteta u Sarajevu.

V

Ova odluka stupa na snagu danom donošenja.

Obratloženje

Upravnom odboru Univerziteta u Sarajevu je posredstvom Službe za naučnoistraživački rad Univerziteta u Sarajevu dostavljen zahtjev Elektrotehničkog fakulteta Univerziteta u Sarajevu broj: 02-6813/20 od 18. 12. 2020. godine (zaveden pod brojem: 0105-12830/20 od 21. 12. 2020. godine), kojim se traži odobrenje za pristupanje Ugovoru u okviru realizacije NATO *Science for Peace and Security Programme (SPS)* - posebni poziv za projektne aplikacije u oblasti sigurnosti naprednih tehnologija pod nazivom *Quantum Cybersecurity in 5G Networks (QUANTUM5) - Kvantna cyber-*

sigurnost 5G mreža između Tehničkog univerziteta u Ostravi, Češke Republike i Univerziteta u Sarajevu, BiH, referentni broj Projekta: G5894.

Predmetni zahtjev se odnosi na davanje saglasnosti u cilju korištenja i realizacije namjenskih finansijskih sredstava preko iznosa kojim može raspolagati rukovodilac visokoškolske ustanove i rukovodilac organizacione jedinice, a koji je utvrđen Statutom Univerziteta u Sarajevu i vezuje se za iznos do 100.000,00 KM po pojedinačnom nalogu.

Ukupna vrijednost projekta iznosi 257.000,00 EUR. Budžet za Univerzitet u Sarajevu iznosi 129.000,00 EUR koji će se unijeti u Finansijski plan Univerziteta u Sarajevu za 2021. godinu, u dijelu organizaciona jedinica Elektrotehnički fakultet Univerziteta u Sarajevu.

Projekat provodi Tehnički univerzitet u Ostravi, Češka Republika, kao projektni koordinator iz države članice NATO-a i Univerzitet u Sarajevu, kao projektni koordinator iz NATO partnerske zemlje. Univerzitet u Sarajevu će provoditi projekat putem svoje članice Elektrotehničkog fakulteta Univerziteta u Sarajevu. Period trajanja projekta iznosi 36 mjeseci i to počevši od 1. februara 2021. godine do 1. februara 2024. godine.

Prihvatanje ili pristupanje grantu u ovog projekta vrši se parafiranjem svake stranice dokumenta o odobravanju projekta, kao i saglasnosti koja se nalazi na kraju istog. Ovlašteni predstavnik institucije svakog učesnika u projektu je obavezan potpisati saglasnost tj. izjavu o prihvatanju.

Rektor Univerziteta u Sarajevu se ovlašćuje za implementaciju Ugovora, putem Elektrotehničkog fakulteta Univerziteta u Sarajevu, uz obavezu kvartalnog izvještavanja Upravnog odbora Univerziteta u Sarajevu o implementaciji Ugovora.

Cijeneći navedeno, Upravni odbor je u skladu sa članom 129. stav (2) tačka i) Zakona o visokom obrazovanju („Službene novine Kantona Sarajevo“ broj: 33/17, 35/20 i 40/20) i članom 55. tačka j) Statuta Univerziteta u Sarajevu, odlučio kao u dispozitivu.



Dostaviti:

- Rektoru
- Elektrotehničkom fakultetu UNSA
- Predsjedniku i članovima Upravnog odbora
- Generalnom sekretaru
- Služba za naučnoistraživački rad UNSA
- Služba za plan i analizu UNSA
- Službi za računovodstvo i finansije UNSA
- U dokumentaciju Upravnog odbora
- Arhivi

**-UPRAVNI ODBOR-**

Sarajevo, 30. 12. 2020. g.

Broj: 02-57-7/20

Na osnovu člana 129. u vezi sa članom 175. stav (6) Zakona o visokom obrazovanju („Sl. novine Kantona Sarajevo“, broj: 33/17, 35/20 i 40/20), kao i na osnovu člana 55. Statuta Univerziteta u Sarajevu, a u vezi sa članom 3. i članom 10. stav (1) i (2) Pravilnika o zakupu prostora na Univerziteta u Sarajevu i članom 36. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu je, na 35. elektronskoj sjednici održanoj dana 30. 12. 2020. godine, donio *s l j e d e ē u*

O D L U K U**I**

Daje se saglasnost za zaključenje Aneksa Ugovora o zakupu poslovnog prostora Šumarskog fakulteta Univerziteta u Sarajevu, koji se nalazi na Igmanu, Hadžići, upisane K.O. LOKVE, ZONA Opština Hadžići: III, ukupne površine od 405,76m² za obavljanje djelatnosti kojima se bave sportsko-rekreativna, turistička i šumarska društva/udruženja, između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i Udruženja „Igra“, ul. Ruđera Boškovića broj 155, Novo Sarajevo, kojeg predstavlja i zastupa predsjednik Udruženja, Emir Makaš.

II

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu dostavljen je Zahtjev Šumarskog fakulteta Univerziteta u Sarajevu broj: 01/1-1630/20 od 16. 07. 2020. godine, kojim se traži izmjena Ugovora o zakupu poslovnog prostora Šumarskog fakulteta Univerziteta u Sarajevu, koji se nalazi na Igmanu, Hadžići, upisane K.O. LOKVE, ZONA Opština Hadžići: III, ukupne površine od 405,76m² za obavljanje djelatnosti kojima se bave sportsko-rekreativna, turistička i šumarska društva/udruženja, između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i Udruženja „Igra“, ul. Ruđera Boškovića broj 155, Novo Sarajevo, kojeg predstavlja i zastupa predsjednik Udruženja, Emir Makaš, u dijelu iznosa zakupnine.

U predmetnom Zahtjevu Šumarskog fakulteta Univerziteta u Sarajevu se naznačava, da se visina zakupnine utvrđuje prema članu 14. Pravnika o zakupu prostora na Univerzitetu u Sarajevu na način da Univerzitet/organizaciona jedinica imaju pravo korištenja, upravljanja ili raspolaganja i da cijena ne može biti niža od tržišne cijene, koju svojom odlukom utvrđuje općina na čijem području se nalazi poslovni prostor u zavisnosti od vrste poslovne djelatnosti i pripadnosti određenoj poslovnoj zoni. Što podrazumijeva da je Šumarski fakultet Univerziteta u Sarajevu trebao utvrditi cijenu prema pomenutoj odluci, ali s obzirom da Općina Hadžići nije donijela predmetnu odluku, ista nije bila osnov za utvrđivanje cijene zakupnine (u utvrđivanju cijene zakupa parameter je bio tržišna cijena).

Cijeneći da u pogledu citirane odredbe Pravilnika, nadležna Općina na kojoj se nalazi predmetni prostor nije donijela odluku kojoj se određuje cijena zakupa prostora po poslovnim zonama i vrstama djelatnosti, te da u tom smislu nema ograničenja za izmjenu cijene prema važećem propisu, kao i to da je kao posljedica pandemije Covid-19 zabilježen značajan pad u prometu i da je neodrživ predmetni Ugovor sa utvrđenom cijenom od 8,00 KM/m² + PDV, za navedenu površinu (405,76m²), Upravni odbor Univerziteta u Sarajevu prihata predmetu izmjenu obuhvaćenu Aneksom Ugovora koja se odnosi na umanjenje iznosa za 50%, odnosno po cijeni od 4,00 KM/m² + PDV, a u odnosu na prethodno utvrđenu cijenu zakupnine.

Stoga je Upravni odbor Univerziteta u Sarajevu uvažavajući prijedlog organizacione jedinice Šumarski fakultet Univerziteta u Sarajevu, donio odluku kao u dispozitivu.



Dostaviti:

- Dekanu Šumarskog fakulteta UNSA
- Predsjedniku Udruženja „Igra”, putem Šumarskog fakulteta
- Centralnoj komisiji za zakup prostora UNSA
- Komisiji za zakup prostora Šumarskog fakulteta UNSA
- Rektoru
- Predsjedniku i članovima UO UNSA
- Internom revizoru
- Generalnom sekretaru
- Služba za računovodstvo i finansije UNSA
- U dokumentaciju Upravnog odbora UNSA
- a/a



- UPRAVNI ODBOR -

Sarajevo, 30. 12. 2020. g.

Broj: 02-57-8/20

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17, 35/20 i 40/20) i člana 55. Statuta Univerziteta u Sarajevu, kao i člana 36. stav (2) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu je, na 35. elektronskoj sjednici održanoj dana 30. 12. 2020. godine, donio *slijeđeći*

ZAKLJUČAK

I

Utvrđuje se okvirni Kalendar održavanja sjednica Upravnog odbora Univerziteta u Sarajevu za 2021. godinu.

II

Kalendar iz tačke I ovog zaključka, čini njegov sastavni dio.



Dostaviti:

- Rektoru
- Predsjedniku i članovima UO UNSA
- Organizacionim jedinicama UNSA
- Generalnom sekretaru
- U dokumentaciju UO UNSA
- Web stranica UNSA
- Arhivi



**UNIVERZITET U SARAJEVU
UPRAVNI ODBOR**

**OKVIRNI KALENDAR
ODRŽAVANJA SJEDNICA UPRAVNOG ODBORA
UNIVERZITETA U SARAJEVU
ZA 2021. GODINU**

KALENDAR

2021. godina	
JANUAR / SIJEČANJ 2021.	
21.01.	Redovna sjednica Upravnog odbora
FEBRUAR / VELJAČA 2021.	
18.02.	Redovna sjednica Upravnog odbora
MART / OŽUJAK 2021.	
18.03.	Redovna sjednica Upravnog odbora
APRIL / TRAVANJ 2021.	
22.04.	Redovna sjednica Upravnog odbora
MAJ / SVIBANJ 2021.	
20.05.	Redovna sjednica Upravnog odbora
JUNI / LIPANJ 2021.	
17.06.	Redovna sjednica Upravnog odbora
JULI / SRPANJ 2021.	
22.07.	Redovna sjednica Upravnog odbora
AUGUST / KOLOVOZ 2021.	
	Sjednice Upravnog odbora u pravilu se ne održavaju zbog trajanja kolektivnog godišnjeg odmora na Univerzitetu u Sarajevu
SEPTEMBAR / RUJAN 2021.	
23.09.	Redovna sjednica Upravnog odbora
OKTOBAR / LISTOPAD 2021.	
21.10.	Redovna sjednica Upravnog odbora
NOVEMBAR / STUDENI 2021.	
18.11.	Redovna sjednica Upravnog odbora
DECEMBAR / PROSICAN 2021.	
23.12.	Redovna sjednica Upravnog odbora

Napomena: Za vrijeme trajanja pandemije izazvane korona virusom Covid-19 i naloženih mjera od strane nadležnih institucija na nivou države, entiteta i kantona, Upravni odbor Univerziteta u Sarajevu će redovne i vanredne sjednice održavati elektronskim putem.